

## Teksty Stela - odcinek 2

Data publikacji: 31.12.2020 19:00

Teksty Stela - dzisiejszy odcinek to zapis czasu na pograniczu starego i nowego roku. Nagrywamy na moment przed północą i czytamy tekst Tomasza Sochackiego. Jak Wy spędziliście sylwestra? Napiszcie w komentarzach. Zapraszamy do obejrzenia odcinka.



*youtube*

Rostomili przociele, rok my zaś przeżyli,  
Ros było wesoło, ros my sie tropili,  
Ale dycki do przodku, bo żywot sie fórt toczy,  
Czasym sie śmiejmy, potym sie łyż cispóm do oczy.

Gaździnki, coby Wóm kury godnie wajec nosiły,  
S chłopami cobyście sie co nejmiyni wadziły,  
Coby Was nie nasrowali, a szykowni byli,  
Piwa a gorzołki, w aryndzie fórt nie pili.

Gazdowie, coby Wóm zymeczka godnie obrodziła,  
Krowa sie na jor szczynśliwie ociełiła,  
Coby baby po Was co nejmiyni ryczały,  
Dycki wieczór przed spanim słodkij pusy dały.

Starko, zdrowio, coby Was rewna wieczór nie łómała,  
Cobyś se ros za czas wesoło zaśpiywała,  
Wnuki cobyście mieli szykowne, by Was szanowały,  
Každy dziyń rano a po połedniu Was nawszczywiały.

Starziku, cobyście sie ze starkóm tak moc nie wadzili,  
W zdrowiu, w szczynściu nastympny rok s nami przeżyli,  
Cobyście se kole chałupy pómału o losce chodzowali,  
A dochtora, szpitola, lyków nie potrzebowali.

Dziecka Fotrów a Matki dycki posłuchajcie,  
Starzików a Starki godnie naszczywiejcie,  
Cobyście miały we szkole same dobre noty,  
A w głowie dycki poukłodane, żodne tam gupoty.

Wszystkim zdrowio, szczynsio, co nejmiyni starości,  
Grejcarów pełne pytle, moc śmijchu a miłości,  
Bo dycki je ros gorszy ros lepszy, taki żybobyci,  
Ros padze deszcz, a potym chned sólńko zaświyci.

S Pón Bóczkiym, też se czasym powyrzódzajcie,  
Porzykać nima grzych, tóz o nim pamiyntejcie,  
Eszcze ros wszystkigo najlepszego, yny samej słodyczy,  
Tego Wóm Tómek, synek stela szczyrze s serca życzy!

